

- Bosna i Hercegovina
- Federacija Bosne i Hercegovine
- Kanton Sarajevo

### **Fond Kantona Sarajevo za izgradnju stanova**

za članove porodica šehida i poginulih boraca,  
ratne vojne invalide, demobilizirane borce  
i prognane osobe

### **UPRAVNI ODBOR**

Sarajevo, 26. 11. 2025. godine

Broj: ZA-19/25

## **ZAPISNIK**

### **19. sjednice Upravnog odbora Fond Kantona Sarajevo za izgradnju stanova**

Mjesto održavanja sjednice: Prostorije Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u nastavku: **Fond**), Sarajevo, ul. Hivzi Bjelevca br. 54., VII sprat, sala za sastanke

Vrijeme održavanja: 26. 11. 2025. godine u 15,30 sati.

Prisutni članovi Upravnog odbora:

1. Jasmin Bešović – predsjednik Upravnog odbora;
2. Bernadin Hadžiabdić – član Upravnog odbora;
3. Mirza Emirhafizović – član Upravnog odbora;
4. Mak Aganović – član Upravnog odbora i
5. Amela Petrinić – članica Upravnog odbora.

Pored prisutnih članova Upravnog odbora, sjednici su prisustvovali:

1. Elvedin Lagarija – direktor Fonda;

Zapisnik vodi Muris Gazdić – sekretar Upravnog odbora Fonda.

Sjednicom predsjedava i rukovodi Jasmin Bešović, Predsjednik Upravnog odbora Fonda, koji:

- otvara 19., sjednicu Upravnog odbora Fonda;
- konstatira da sjednici Upravnog odbora prisustvuju gore navedeni članovi Upravnog odbora i lica kojima je od strane Upravnog odbora dozvoljeno prisustvo sjednici Upravnog odbora,
- konstatira da Upravni odbor posjeduje kvorum članova Upravnog odbora za odlučivanje i
- predlaže Dnevni red kao u pozivu:

## DNEVNI RED

1. Usvajanje Zapisnika sa 18. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.
2. Informacije o okončanju izgradnje objekta "Centar" Ilijaš i aktivnostima pred izradu konačnog obračuna.
3. Informacija u pogledu upita upućenog Agenciji za javne nabavke.
4. Informacija dostavljena od strane Ureda za reviziju institucija u Federaciji Bosne i Hercegovine u pogledu izvršene revizije.
5. Tekuća pitanja.

Upravni odbor jednoglasno usvaja predloženi Dnevni red.

## TOK SJEDNICE

### **Tačka 1. Usvajanje zapisnika sa 18. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u daljem testu: Zapisnik)**

Predsjednik Upravnog odbora Fonda otvara 1. tačku Dnevnog reda sjednice. S obzirom da su materijali dostavljeni ranije kao i da su članovi Upravnog odbora upoznati sa sadržajem zapisnika, otvara raspravu po ovoj tački.

Kako članovi Upravnog odbora nemaju primjedbi na dostavljeni nacrt zapisnika, predsjednik Upravnog odbora isti daje na usvajanje.

Upravni odbor jednoglasno usvaja zapisnik.

### **ZAKLJUČAK:**

Usvaja se Zapisnik o radu sa 18. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce od 30. 10. 2025. godine.

**Rezultat glasanja: jednoglasno.**

---

### **Tačka 2. Informacije o okončanju izgradnje objekta "Centar" Ilijaš i aktivnostima pred izradu konačnog obračuna.**

Predsjednik Upravnog odbora otvara drugu tačku dnevnog reda i riječ daje direktoru Fonda.

Direktor Fonda, upoznaje Upravni odbor o podacima koji se odnose na izgradnju objekta "Centar" Ilijaš, a naročito troškovima izgradnje, ostvarenim

- rezultatima u pogledu prihoda, ušteta i svih ostalih relevantnih podataka kao što su troškovi po osnovu dodatnih nepredviđenih radova i dr. Također,
- upoznaje Upravni odbor i sa planiranim rokom primopredaje objekta, odnosno dobivanja Upotrebne dozvole.

Predsjednik Upravnog odbora nakon okončanja izlaganja direktora Fonda poziva članove Upravnog odbora da postavе eventualna pitanja te otvara raspravu po ovoj tački.

Kako nije bilo prijava za raspravu predsjednik Upravnog odbora predlaže članovima Upravnog odbora da prezentiranu informaciju kroz zaključak prime k znanju.

### **ZAKLJUČAK:**

Prima se k znanju informacija o okončanju izgradnje objekta "Centar" Ilijaš i aktivnostima pred izradu konačnog obračuna.

**Rezultat glasanja: jednoglasno.**

---

### **Tačka 3. Informacija u pogledu upita upućenog Agenciji za javne nabavke.**

Predsjednik Upravnog odbora otvara treću tačku dnevnog reda i riječ ponovno daje direktoru Fonda.

Direktor upoznaje Upravni odbor da je Fond u proteklom periodu, slijedom tumačenja odredaba člana 4., Zakona o javnim nabavkama, a u cilju utvrđivanja obaveze Fonda u pogledu obaveznosti primjene Zakona o javnim nabavkama u segmentu nabavke usluga iz osnovne djelatnosti Fonda uputio prema Agenciji za javne nabavke akt kojim je tražio izjašnjenje Agencije u pogledu navedene odredbe i primjene iste na Fond Kantona Sarajevo za izgradnju stanova.

Napominje da je akt kojim se Agencija očitovala po navedenom upitu je u radnom materijalu dostavljen članovima Upravnog odbora i naglašava da se može primjetiti jedna neodređenost Agencije u na traženo izjašnjenje.

Shodno navedenom direktor upoznaje Upravni odbor da će Fond u svom daljem poslovanju nastaviti s primjenom Zakona o javnim nabavkama, ali slijedom gore spomenute neodređenosti Agencije nastaviti i sa pronalaskom rješenja koje bi ovaj Fond, radi postizanja da isti bude jednako pozicioniran na ovom tržištu s ostalim učesnicima, oslobodile od primjene ovog Zakona u dijelu nabavke usluga koje se odnose na osnovnu djelatnost Fonda.

Nakon okončanog izlaganja i prezentiranja informacije predsjednik Upravnog odbora prije svega daje podršku direktoru Fonda u pogledu opredjeljenja za iznalazak zakonitog rješenja u pogledu izložene problematike, a potom otvara raspravu po ovoj tački dnevnog reda.

U raspravi koja slijedi Upravni odbor također daje podršku direktoru Fonda te prihvata prijedlog da se u daljem poslovanju Fonda nastavi sa primjenom Zakona o javnim nabavkama, ali da se istovremeno nastavi s istraživanjem u cilju iznalaska mogućnosti za isključenje od primjene ovog zakona u dijelu osnovne djelatnosti Fonda.

#### **Tačka 4. Informacija dostavljena od strane Ureda za reviziju institucija u Federaciji Bosne i Hercegovine u pogledu izvršene revizije.**

Predsjednik Upravnog odbora otvara četvrtu tačku dnevnog reda i riječ daje direktoru Fonda.

Direktor upoznaje Upravni odbor da je nad radom Fonda u proteklom periodu, od strane federalnog Ureda za reviziju izvršena revizija poslovanja Fonda Kantona Sarajevo za izgradnju stanova.

Akt navedenog Ureda je u materijalu za ovu sjednicu dostavljen Upravnom odboru, a kako se može vidjeti iz istog poslovanje ove institucije je ocijenjeno kao uredno i jako pozitivno.

Naravno ovo je za sada samo prethodnoj reviziji te da će u narednom periodu biti izvršena i završna revizija, no cijeneći nalaz na osnovu prethodne revizije može se reći da je finansijsko poslovanje ove institucije pozitivno i zakonito.

Nakon prezentiranja informacije predsjednik Upravnog odbora pohvaljuje dosadašnji rad Fonda, a potom otvara raspravu po ovoj tački dnevnog reda.

Kako nije bilo prijava za raspravu po ovoj tački, predsjednik upravnog odbora predlaže da se prezentirana informacija kroz zaključak primi k znanju.

Prima se k znanju informacija dostavljena od strane Ureda za reviziju institucija u Federaciji Bosne i Hercegovine u pogledu izvršene revizije.

**Rezultat glasanja: jednoglasno.**

---

#### **Tačka 5. Tekuća pitanja**

U okviru tačke tekuća pitanja za riječ se javlja Mak Aganović koji informira Upravni odbor o namjeri podnošenja neopozive ostavke na mjesto člana Upravnog odbora Fonda iz razloga njegovog opredjeljenja da započne a

radom kao advokat, a s obzirom na zakonsku smetnju u tom pogledu obavezan je dati ostavku na članstvo u upravnom odboru.

Prisutni, uvažavajući razloge prihvataju informaciju izražavajući žaljenje zbog njegovog odlaska i istovremeno mu želeći uspjeh i sreću u daljem radu i životu.

---

Sjednica upravnog odbora je završena 26. 11. 2025. godine u 16,30 sati.

Zapisnik vodio:

  
Muris Gazdić

  
**PREDSJEDNIK UPRAVNOG  
ODBORA**

  
**Jasmin Bešović**

